

31 السامري والعجل | الشيخ شوقي عبد الصادق

شوقي عبد الصادق

الحمد لله الواحد الاحد الفرد الصمد صمد الذي لم يلد ولم يولد ولم يكن له كفوا احد واصلي واسلم على خير خلقه وسيد انبيائه وامام اصفياه نبينا محمد صلى الله تعالى عليه واله - [00:00:00](#)

وسلم وبعد مع الحدث الخامس مع الحدث الخامس الذي لاقاه سيدنا موسى عليه الصلاة والسلام وكان من امر الاحداث التي مرت به عليه صلوات الله وسلامه لانه لاقى من بني اسرائيل ما لم يلقه - [00:00:38](#)

نبي قط من بني اسرائيل. لان نبينا صلى الله عليه وسلم لم يكن مبعوثا لبني اسرائيل وانما هو ارسل للناس كافة وكان اول انبيائهم موسى عليه الصلاة والسلام ولاقى منهم الامرين - [00:01:08](#)

هذا الحدث الذي كان مع الذي معنا اليوم هو منها تتعرض له بعض آيات سورة طه والاعراف في سورة طه قال رب العزة سبحانه وما اعجلك عن قومك يا موسى قال هم اولئك على اثري - [00:01:32](#)

وعجلت اليك ربي لترضى وتتعلم من هذا درسا عظيما وهو التعجيل الى مرضات الله لا تسوف لا تؤجل لا تقبل سوف اعمل. بل اعمل الان بادروا بالاعمال هكذا قال رسولكم صلى الله عليه التعجيل الى مرضات الله بين موسى عليه الصلاة - [00:02:00](#)

والسلام وبين ربنا ميعاد محدد في الاربعين ليلة يعتزل فيها بني اسرائيل ويخلو بينه وبين ربه استعدادا للمناجاة هذا الميعاد المحدد ده محدد بين الله عز وجل وموسى تيجي في الساعة الفلانية - [00:02:31](#)

الى مكان المناجاة سيدنا موسى عليه الصلاة والسلام استعجل يعني راح قبل الميعاد طب وليه ؟ كما قال هو. لما سئل لما سئل اجاب اجابة غير السؤال وما اعجلك عن قومك يا موسى - [00:02:58](#)

يعني كانت المواصلات او الحركة السريعة مسلا راح بسرعة عامل حسابه ان المسافة دي بتاخذ ساعة ساعة ونص لقي دابة سريعة ركبها فخذت ربع ساعة مسلا وما اعجلك عن قومك يا موسى؟ اجاب - [00:03:24](#)

هم اولاء على اثري يعني هم جايبين ورايا. قريبين مني. هؤلاء على اثري. اما انا عجلت الى ربي لترضى اسرعت والتعجيل لمرضاة الله عندنا كثير منها تعجيل للجمعة تبكير تبكير للجمعة - [00:03:43](#)

ما تنتظري امام لا انت تبكر الامام ده اخر حاجة يأتي على الصلاة مباشرة. انما تأتي انت على الصلاة مباشرة لا تفكر والساعة الاولى والثانية والثالثة كما تعرف في الحديث - [00:04:14](#)

التبكير لادراك الصف الاول غير ما تيجي في اخر الصف خير الصفوف او صفوف الرجال اولها وشرها اخرها التبكير والتعجيل لادراك تكبيرة الاحرام كلها صلاة؟ اه ان لحقت التشهد انت ادركت الجماعة - [00:04:31](#)

لكن لا تساوي ابداء من ادرك تكبيرة الاحرام بفرق وعجلت اليك ربي لترضى. هذا هو الدرس الاول. التعجيل لنيل مرضات الله. عجل يا عبدالله مش موسى بس اللي عجل مستعجل لا - [00:04:57](#)

عندما هان التعجيل بالحج عجل قبل زواج الاولاد وقبلك وقبل المباني وقبل كل شيء. مش لك بيت يأويك؟ اه بالايجار حلو ما تستناش لما تملك وتملك وتصيب وتشطب ما انتش حاجج في عمرك - [00:05:18](#)

مش في حاجة ساتراك حلوة روح حج الاول الولاد يبقوا لسه في اللفة وبسلامتك عمال تعمل جمعيات وتجب عفش وتزبط عشان الجواز. طب وانت؟ رسالة بدي الرسالة لا عجل تعجلوا الحج فان احكم لا يدري ما يعرض له - [00:05:37](#)

عجل عجل في شبابك في الشيخوخة مش هتقدر تعمل حاجات كتير قوي قوي العضم هيضعف والصحة هتضيع والهرمونات هتهجم

عليك. والاكل مسمم وعيشتك كرب عجل عجل وعجنت اليك ربي لترضى. الدرس الثاني قال فانا قد فطنا قومك من - 00:06:05
واضلهم السامري خطورة منصب الامام. اخطر منصب في اي دولة وفي اي جماعة وفي اي ينقع وفي اي شوية ناس اتلموا مع
بعضيهم وعملوا قوم ايا كان بقى منصب الامام - 00:06:33

مين كبير الناس دي من المسئول عن الناس دي مين صاحب الحل والعقد في الناس دي؟ اهو ده اخطر منصب اخطر منصب منصب
الامام منصب ولي الامر منصب الخليفة منصب السلطان منصب الملك. كل المصطلحات اللي انتم عارفينها. اخطر منصب - 00:07:00
لذلك رب العزة يقول لموسى فطنا قومك من بعدك فطناهم يعني اختبرناهم. طب وكان موسى هيبقى ايه خطورة المنصب؟ لو موجود
هيزبط الامتحان هتطلع النتائج صح مش موجود الله اعلم بالنتائج - 00:07:29

هزكركم بحديث النبي عليه الصلاة والسلام لما بيقول الدجال هيخرج لو خرج وانا فيكم فانا حجيجه انا اللي هاوقف له تغنوا عن
الامة كلها؟ ايوة. هيغني عن الامة كلها. هيحي الدجال ويحيي سيدنا النبي يقف له. والقنوات تصور - 00:07:54
اتسجل ويدحضه ويدفنه في الحال. انا هجيبه. طب لو جه وانت مش فينا؟ قال كل امرئ نفسه ربنا يسترها عليكم بقى خطورة
منصب الامام طب وليه الامام اللي بعد النبي مش هيعمل زي النبي؟ لانه النبي اصلا ما يضمنش مين هو اللي بعده اصلا. ما داش دا
الدجال يضحك على اللي بعده اصلا - 00:08:20

فالشاهد منصب الامام اخطر منصب مش امام الصلاة امام الناس حاكم الناس اخطر منصب في اي مجموعة. دولة قرية ايا كانت
المجموعة يعني منصب الامام قربنا بيقول لموسى فكنا قومك - 00:08:49

من بعدك واضلهم الشمري راحوا في داهية يا موسى طبعا سيدنا موسى مستوي بالكلام بس مش متخيله كلام تقيل قوي بس صعب
هو عارف ان في مصيبة حصلت. فتنى قومك من بعدك واضلهم السامري. يبقى ناخذ عظة وعبرة ودرس - 00:09:12
من من انت بقى امام الاسرة بقى. اوعى تكون فاهم منصب الامام يعني الجماعة اللي فوق. طب وانت سيادتك ما انت الامام ما انت
صاحب البيت ده منصبك ممكن تبقى انت موجود زي عدمك. ما لكش اي لازمة - 00:09:37
قال يعني تقعد تمشي سياب فيه كده تسأل الله المعافاة وذن من طين وودن من عجيين العينين الاتنين مقفولين عادي سايب الكلام
كلاب على الديابة كل تلبس المرة تلبس اللي لبسها فين البت تلبس الواد يروح لك رحمة يروح اي حاجة في اي حاجة. منصب. امال
انت شغلتنك ايه؟ ممول - 00:09:58

ممول بيدفع ايجار يصرف يدفع دروس. يودي للدكتور وخلاص بس اي واحد يقوم بالمهمة دي وانت عشان يعني تخلي بالك اوعى
تكون فاهم يعني الامام يعني واحد تاني مش انت لا انا بكلمك انت على مستواك على مستواك انت دي دولتك السبعة - 00:10:25
دول بتوعك دول دولتك انت امامها هتسيب المنصب وتخلي عنه الف مين يشغله؟ والفتن هتحت عليهم ليل ونهار وانت احسن من
موسى ولا ايه ما هو سيدنا موسى لما موسى وسيدنا موسى ما شفش المنصب - 00:10:46

غصب عنه ده رايح للمناجاة بالامر مع مع وجود مين كمان مع وجود اخيه هارون بس هارون مش الامام الاكبر هارون واحد من
الرعية موسى. لو مات موسى عليه الصلاة والسلام يبقى هارون هو الامام. اصبح بقى هو الشاغل المنصب ده. انما لسه ما ماتش -
00:11:06

يبقى تحت رئاسة موسى الكلام لموسى القرار لموسى الهدم والبناء لموسى. شف الاعداد لموسى هو اللي يحكم بالاعداد هو اللي
يعمل كل حاجة هو اللي يعمل كل حاجة. انما اي حد ما يفتحش بوقه - 00:11:27

بيتكلم اه زي ما هنشوف من منصب الامام يا اخوان وانت امام. امام في رعيته من فرعيته هتسيبها هتضيع منك والفتنة سابتة
والاختبار قائم ليوم الدين لولادك وبني اسرائيل وكله - 00:11:45

قال فان قد فطنا قومك من بعدك واضلهم السامريين. طب عمل ايه؟ السامري عامل ايه؟ اهو ده بقى الدرس التالت اللي مش عاوزين
استوعبوا ابدا نسأل الله ان يرزقنا من يفعل هذا - 00:12:07

واضلهم السامري فاخرج لهم عجلا جسدا له خوار. ايه الدرس بقى ده لازم تخلي بالك من الشيطان ان بيطلعك من معصية او كبيرة

لاكبر منها ما بيقتنعش بدي في كلمة دارجة على لسان الناس يقول لك ايه هو الشيطان بيروح للفاسق ولا اللي في الخمار؟ ده بيروح
للي بيصلي لا بيروح للاتنين - [00:12:27](#)

بيروح للاتنين بيروح للي في الخمار وبيروح للي في المسجد. اللي جنب الكعبة الشيطان بيروح له واللي في حزن الزانية برضه
الشيطان بيروح له ما تسبش دي ولا ايه؟ ليه؟ وتقول لي ايه ما هو ربنا يقول له ايه؟ لاقعدن بيقول لربنا لاقعدن لهم صراطك
المستقيم. واللي في الخمار ده واللي في حزن الزانية - [00:12:57](#)

لا لا لا هو بيروح للاتنين بيروح للي عالصراط المستقيم عشان ينزله يقع من على الصراط المستقيم ده وبيروح للمعوج عشان يسبت
ما يفكر فرشي يروح ناحية المستقيم. كده حلو. الله! هو الزنا! وجه بعده شزوزا! ما هو شعبه بالزنا - [00:13:16](#)

هل الزنا ما راحلهومش الشيطان راح لهم بتوع العراة دول راح لهم. كرجالة ونسوان. وبعدين خلاص الموضوع ده زهقوا منه. قال لهم
قال لكم على حاجة حلوة جديدة! ده حاجة اسمها نشوء شزوز. الرجالة تشتغل مع بعضها والنسوان تشتغل مع بعضها. جديد. جديد.
وبعدين رجع خدهم تاني وقال لهم ده ممكن تدخلوا - [00:13:39](#)

في الموضوع تدخله الحيوانات يعني ما تبقوش على قد البشر بس. ذوقوا الحيوانات شف انت تلاقي الحيوانات حلوة رخرة. وهكذا
بيروح للكل فهنا بقى الشيطان يخرجك من كبيرة لاكبر منها - [00:13:59](#)

ما بيكتفيش باللي انت فيه. لا ايه بقى الكبير والاكبر الشيطان المكان فاضي بقى. وكل اللي هيتقال كلمتين صالحين. وما فيش حاجة
هتحصل بعد كده. لان مكان الرئيس فاضي فاللي هيقله هيقل لهم كلمتين. اللي هيوغظ هيقل كلمتين. وبس وبس. ما هو ما
يقدرش يعمل اكتر من كده. لان - [00:14:17](#)

الرئيس مش موجود صاحب القرار النهائي مش موجود فالموضوع هينحصر في الكلام الكبيرة اللي في نزرهم ان معهم ذهب بنو
اسرائيل معهم ده ايا كانت بقى الروايات هل هم كانوا مستلفينه من الفراغة؟ ممكن - [00:14:44](#)

هل كان الفراغة حاطين الذهب دي عندهم امانات ممكن. الله اعلم. الامرين واردين. دي وردة ودي وردة. اما هو عندهم امانات واما
هم كانوا مستلفينه منهم. ولما مشبوا بدري في اواخر الليل لما مشبوا بدري خالص. ما قالوش - [00:15:06](#)

الفراغة احنا ماشيين عشان ما يقبضوش عليهم وخدوا الذهب اللي معهم. خلاص بعدوا عن الفراغة وبقوا جنب الوادي المقدس وفي
مكان امن الذهبي اللي معهم ده مش بتاعنا. طب والعمل؟ هناخد حاجة مش بتاعتنا ازاى؟ الذهب ده حرام علينا. طب نعمل ايه؟ ابن
كسير عليه رحمة - [00:15:26](#)

والله يقول مسلا سيدنا هارون قال لهم لموا كله وحطوه في الحفيرة دي حفروا لهم حفرة وقال لهم حطوا كل اللي معه حاجة تحطها
هنا. وآآ هنولع فيه ويبقى حته واحدة - [00:15:46](#)

تبنيك وحده ولما ييجي موسى عليه السلام يشوف هنعمل فيه ايه. ده كلام مين؟ ده كلام سيدنا هارون. صح لموا اللي معك وحطوه
هنا اخرج لهم عجلا جسدا. مين بقى؟ الشيطان الانسي - [00:15:56](#)

السامري يقعد ساكت لا فكرة جت له في دماغه يعمل لهم عجل. طب واشمعنى العجل يعني قال لك لان بني اسرائيل اصلا كانوا عندي
ناس قايمين نايمين على عجول. العقول عقول عجول وبيعبدوا عقول وبيعلفوا العقول وهم عجول - [00:16:15](#)

كانوا عايشين في وسط دول. العجول على الجدران. لحد النهاردة. لحد النهاردة العجول على الجدران رسومات للعجول على المدن.
وقصة حياة بقى وحضارة وتلاقي العجل مكتوب تحته كلام. باللغة بتاعتهم وفيه ناس وبعدين عجل وناس - [00:16:39](#)

قسو عجل وعجل فوق وعجل تحت وناس راحة وناس جاية وناس بتعمل كزا قصة حضارة حياة الكلام ده كان واقع وبعدين انتقش
على الجدران. كان واقع يعني ايه؟ يعني فعلا فيه عجول. وناس بتروح للمعهد بتاعك زي دلوقتي - [00:16:58](#)

معابد للفران معابد للبقر معابد زي دلوقتي بالزبط فهما شايفينهم بني اسرائيل موجودين وشايفين الناس دي وبيقدسوا العقول.
فمتأسرين الطريقة دي حلوة عجباهم. فالسامري قال اعمل حاجة ايه؟ استعيد الزكريات. ده انت ما يقولكش كثير - [00:17:17](#)

ده العملية ما كملتش شهور ولا حاجة لسه بدري يعني قام في دماغه كده جت فكرة صناعة العجل وهوب هوب ايه قعد يخبط ويعمل

وقام عامل عجل وطلع عليه سباك ماهر سباك من السبابة مش اللي هي السبابة الصحي لأ سباك من السبابة صنعة يعني - 00:17:38
عمل العجل وعمله بطريقة هندسية حلوة قوي ووقفه هم طبعاً في الصحراء. في الفضاء. الهوا يدخل في دبر العجل وممكن يكون
عمل له فتحة واسعة من وراء والهوا يخش وبعدين يتحبس او يلف جوة في بطنه بطريقة برضه هندسية كده ويطلع من بقه يقوم
يعمل صوت زي صوت - 00:17:59

العجل ينعر اديني عقلك بقى سيدنا موسى مش موجود وقدامهم عجل وعامل صوت ايه فتن قومك من بعدك واضلهم السامرين.

عمل ايه يا ربي لهم؟ فاخرج لهم عجلًا جسدا له خوار - 00:18:24

خوار يعني الصوم كتب تفسير كتير قالت ان هو استحبال دما ولحما. يعني العجل اتحول فيه دم ولحم طبعاً ده غلط هذا لا يصح

والعدل بقى فيه سر عجيب. ايه؟ قالوا الخوار ده. ليه يعني؟ قال لك الملعون السامري - 00:18:50

برضو مش موجود في الكتب برضو الكلام ده لا يصح ومع انه يعني مكوت في كتب معتبرة. لكن كل انسان يؤخذ منه ويرد عليه ان

الرسول صلى الله عليه وسلم - 00:19:17

قالوا ان السامري شاف فرس سيدنا جبريل وعملوا الحاجات دي خلي دي بعدين لما هتيجي في التحقيق مع المجرم الشاهد ان سيدنا

موسى علم ان قومه فتنوا. وان في حاجة اسمها عجل هناك وبيعدهو - 00:19:30

كل ده هو مش شايف بس من غاز يغتاز في نفسه حزين في نفسه يبقى هنا خلو منصب الامام الانتقال من كبيرة الى اكبر. ايه

الكبيرة والاكبر؟ لبس الحرام ارحم - 00:19:51

ذهب بني دهب الفراعنة ده في ايديهم ارحم. من ايه؟ من العجل. هم كده مش لابسينه. بس قدسوه الذهب بدل ما هو كان في الايد

ومش بتاعهم طب ما يستنوا لما نبينهم الاعزم يجي يقول لهم نعمل ايه في الذهب ده - 00:20:15

لا اتحول الى عدل فقدسوه. فنقلهم من وجود مال حرام او الخوف من مكسب حرام الى فيلم وده اعزم ده قابل للمغفرة وده غير قابل

للمغفرة الا اذا تاب صاحبه. يبقى الشرك لابد توبة ودي - 00:20:36

للمغفرة حتى لو ما تابش حتى لو ما تابشي. حتى لو ما تابش من الذي قبله اصل مات على الايمان مات على اما ده لابد من توبة ده هو

الشرك. ان الله لا يغفر ان يشرك به ويغفر ما دون ذلك. لمن يشاء - 00:20:56

الامر الرابع تسرب المعصية والكفر الى النفس اسرع من تسرب الشكر والايمان منين الكلام ده؟ فتن قومك من بعدك واضلهم السامري.

طب بنو اسرائيل شايفين ايات قدام عندهم وما زالوا في ده غرقانين في الايات. ربنا نجاهم من فرعون. والايات معه من وسلوى

بدون اي جهد ولا - 00:21:17

الصروف بيندفع في الاكل والشرب. منه وسلوى ليل ونهار ياكله ببلاش. ويشربوا من الماية غير ملوسة مائة كاملة العناصر مية مغزية

مية ما بتصبيهمش باي اذى يعني هم غرقانين في النعم. كان يجب - 00:21:50

ربنا بدل ما شكروه كفروا اول ما شافوا العجل يبقى تسرب المعاصي والكفر الى النفس اسرع من تسرب الشكر والايمان الى خلي بالك

من دي خل بالك من دي تلاقي نفسك بتهوى الانحراف - 00:22:10

نفسك بتميل للانحراف. مش لازم يكون انحراف كبير قوي ولو شوية. انما الاستقامة والقرآن وتقعّد مع القرآن وتتمسك وتقيم الليل

وبتاع تلاقي التقيل تقيل انما حتى لو في طاعة تلاقي نفسك بتختار الطاعة الايه؟ الطاعة السهلة - 00:22:32

الطاعة اللي من على الوش كده وتخلص انما التعمق وتنزل للقرار لأ ده حال النفس فراعي نفسك في المسألة دي اخرج لهم عجلًا

جسدا. امسك في الجسد دي انا بقول بقى السميع يقول لك لقوه في كتب التفسير ده مش صح ليه - 00:22:50

لان رب العالمين قال لك جسدا فاخرج لهم عجلًا جسدا توليه القرآن اكد كلمة جسد في الاعراف وفي طه عجلًا جسدا له خوار. خوار

يعني صوم بس قال جسدا ما سابوش كده. ليه؟ لان الجسد في اللغة - 00:23:11

جسد يعني ايه؟ يعني لا حياة فيه. جثة لغة. قال هكذا الزجاج. جسة. الجسد جثة ما فيهوش روح ما فيهوش روح. ورب العالمين

وصف الانبياء بوصف نفى عنهم الجسدية لف عنهم الجسدية يعني ايه؟ مش جسدا. قال وما جعلناهم جسدا لا يأكلون الطعام وما

كانوا خالدين - 00:23:32

يعني ايه يا ربي؟ يعني الانبياء مش جسد. الانبياء فيهم روح وبيتحركوا وبيتكلموا وبيصالحوا ويعلموا. اما الجسد جثة ما تتحركش لا اروح فين. واقسم سيدنا عبدالله ابن عباس كما نقل ابن كسير قال لا والله ما كان له خوار الا - 00:24:04

كانت الريح تدخل خوار يعني هو يعني صوت العجول يعني يقصد صوت اصل سيدنا عباس مش هينكر الكلام اللي قال في القرآن القرآن قال له خوار. سيدنا عباس بيقول لا والله ما كان له خوار يقصد الخوار اللي هو صوت العجل الحي. انما الصوت اه له صوت.

انما يقصد الخوار بتاع - 00:24:26

الحقيقية انما كان يدخل الريح هكذا يقول سيدنا عبدالله بن عباس يدخل الريح من دبره فيخرج من فيه فيحدث خوارا علشان كده في المواضع كلها او الموضوعين يعني عجلا جسدا له خوار - 00:24:46

سيدنا هارون بصفته خليفة لموسى عليه الصلاة والسلام نتكلم هنا ناخذ درس بقى درجات الانكار درجات انكار المنكر درجات انكار المنكر هو خليفة لما قال السامري وعمل اللي عمله فاخرج لهم عجلا جسدا له خواه - 00:25:07

استحلفك بالله ايه الفرق بين عجل بني اسرائيل؟ ذهب خالص ذهب خالص متنقي على الفرازة ايه الفرق بين العجل ده والمقصورة اللي فوق سيدهم السيد والمقصورة اللي فوق سيدهم البدوي. او المقصورة اللي فوق سيدهم ابراهيم. والمقصورة اللي فوق سيدهم العباس. ايه الفرق - 00:25:36

ما هي دي مقصورة وهو ده عجل واللي كان بيحصل هنا هو اللي بيحصل هنا الشنقيطي عاوزكو تبصو في كتب التفسير كده الشنقيط اولاً مش مصر من بلاد المغرب ما عندوش يعني حاجة ما لوش دعوة دعوة بالمصرية ولا غيره. مش مصري اصلاً -

00:26:06

اما الموريتانيا يقول اول من احدث الرقص والتواجد الذين عبدوا العجل في بني اسرائيل اللي هو ايه نسقف وازكر واطوح وانجذب واقع. ايه يا عم بتعمل ايه؟ وازكر ربنا مين اللي عمل اللعبة دي؟ هم بتوع بني اسرائيل. حوالين مين؟ حوالين العجل - 00:26:24

جه القرآن اكد دي برضو مشركي مكة. نفس المشكلة. اقروا سورة الانفال. وما كان صلاتهم. صلاة مين يا رب المشركين وما كان صلاتهم عند البيت. يعني حوالين الكعبة الا مكاء - 00:26:58

تصدية. البكاء يعني ايه؟ التصدية بالتصفير وتصدية يعني ايه؟ التصفيق في صلاة هنا؟ ايوه دي صلاة. بتاعة مين بتاعة المشركين؟ يلفوا حوالين الكعبة وايه؟ ويسقفوا ويسفروا. بتعملوا ايه يا جماعة؟ بنعبد ربنا - 00:27:18

في طريقة سورة التوبة الانفال وما كان صلاتهم عند البيت الا بكاء وتصدية دي طريقة للذكرى بتاعة مين بتوع العجل خلي بالك المنزر واحد لان الشيطان ما ماتش ابليس نفسه يعني ما ماتش اي حاجة تنجح في اي حجة في اي شبر في الارض - 00:27:39

ينقلها هنا وهنا وهنا وما هي نجحت. الفكرة دي نجحت هنا. نجحت في مكة دي نجيبها لنا هنا اهو في قويسنا. نجحت في الصيد يجيبها في لو فيه فكرة نجحت في الصيد يجيبها مكة. والله ان ان ردوها يبقى خير وبركة. استقبلوها ما هو ده المطلوب وينقلها - 00:28:01

يوديه المدينة وهكذا وهكذا عباد الله عشان تبقى على بينة يعني عشان ما تقولش ايه وده لا وايه اللي جابه الولي الصالح يا سيدي هي فكرة واحدة ايه اللي بيتعمل؟ ايه طواف وكرر وهو بس ادي ما هو ده اللي موجود جنب العجل. ايه الفرق بين دي والعز؟ هنا -

00:28:21

ما بيتقالش يا رب. وهناك برضو ما كانش بيتقال يا رب. دي زي دي. اخرج لهم عجلا جسدا له خوار. فقال هم اللي قالوا او قال الملعون السامري. فقالوا هوب الهكم. لا اله الا الله - 00:28:43

بقي ده هو اللي بينزل المن والسلوى ده هو اللي مطلع لكم المية من الحجر العجل اللي انتم عملوه لكم ده هو ده اللي نجاكم من بني اسرائيل. هو كده - 00:29:02

هذا الهكم واله موسى كما فنسي نسي دي فيها قولان لاهل العلم. مين اللي نسي؟ قالوا موسى هو اللي نسي سي سي ني سي مين؟ نسي

الهو دا هو ومشي يروح يدور عليه بيدور عليه فين؟ لا اله الا الله - [00:29:13](#)

توصل العقلية اه ما هي عقلية ملوسة العقيدة الفرعونية مدمرها خالص مش مخلية اي عقل يفكر خالص استبداد وظلم وقهر لغى كل حاجة. موت كل الملكات مش ده اله موسى بيقول لك فلاسي مين اللي ناسي؟ قال له موسى نسي. نسي وراح يدور عليه فين؟ او

فنسي - [00:29:30](#)

يعني السامري نسي لما عمل لهم العملة دي نسي ايه؟ قال لك كان على الاسلام وبعدين فتنهم وبيقول عليه اله بقى يا سميري مش انت كنت مسلم وكنت حلو نعوز بالله من الخزلان ونسأل الله حسن الختام. حسن الختام يا اخوانا والبقاء على الدين ده ده نعمة ما

بعدها - [00:29:58](#)

نعمة ان تبقى حتى تلقى الله. يعني واحد واثنين انبيا شايفهم وبياكل معهم ويشرب معهم ورايح جاي معهم متأسرتش بالأتنين انبيا يا راجل واثنين رسل متأسرتش تقول على داهوه فنسي وانت نسيت انت راح انت نسيت تكون - [00:30:21](#)

انت على اسلام ده لسة هارون جنبك اهوا! ده سيدنا هارون جنبك واخذ بالك عشان برضو تخلي بالك انت مش احسن من كل دول

تحزر دي تتخدع اه تتخدع وتضيع تضيع في الزحمة ايوه - [00:30:45](#)

الفتنة ممكن تكون شديدة فاحزره. واتسلح بالعلم الصحيح هذا الحكم واله موسى فنسي درجة ايه؟ من درجات الانكار بقى؟ لعله الدرس الخامس مسلا او رابع ما علينا درجات الانكار. سيدنا هارون موجود. خليفة عن موسى بس هو مش هو موسى - [00:31:03](#) مش هو موسى وقف انكاره عند النصيحة بس يبقى في فرق بين الانكار وحاجة تانية اسمها الازالة دي حاجة ودي حاجة الانكار ولقد

قال لهم هارون من قبل يا قوم - [00:31:25](#)

انما فتنتم به. وان ربكم الرحمن فاتبعوني واطيعوا امري طبعاً مش كلهم اغلبهم اغلبهم في ناس كويسة مية مية في على جنب. بس

القلة. القلة القلة في كل زمان ومكان. اما الاكثرية خلاص ضاعوا - [00:31:46](#)

الاكثرية شغالين هنا هنا فتنتم به وان ربكم الرحمن فاتبعوني واطيع امركم. قالوا لن نبرح عليه عاكفين. يا الله طب احنا في الاسلام بنعتكف مسلا في رمضان عباد الاضرحة ما عندهم مش اعتكاف في رمضان وشوال. كل الايام اعتكاف - [00:32:06](#)

كل اللي له يعمل اعتقال. ما بيسيبوش لسيدهم. جنب سيدهم ليل ونهار. وبيروحوا فين؟ ده سيدهم عنده مم كثير قوي وعنده خبرة كثير وعنده صندوق وعنده مغفلين والدنيا هايصة خالص. هنسيه نروح فين؟ نعتكف السنة كلها - [00:32:30](#)

وليل ونهار الاربعة وعشرين نقفل الجامع ليه؟ اعدل له فقالوا لن نبرح عليه ايه؟ عاكفين. لحد امتي؟ حتى يرجع موسى. لما يبجي

يقول نسيه ولا بنسيهوه؟ طب وانا؟ اه لا لا انت انت راجل طيب - [00:32:49](#)

انا نبي زيه لا انت عشان تعرف ان درجات الانكار وقفت ما هو لو لو قادر ياخذ اللي بعديها ما كانوش عملوا كده لما هي وقفت عند

القول بس ولقد قال لهم هارون من قبل يا قوم انما فتنتم به - [00:33:04](#)

وان ربكم الرحمن فاتبعوني واطيعوا امري. قالوا لن نبرح عليه عاكفين حتى يرجع الينا مسلم ويا ريته سالم ده مسالمنش. اكيد طبعاً

رجع يقول لهم تاني. وتاني ورابع وعاشر ومية زهقوا منه بقى - [00:33:23](#)

قال له بص يا تسكت يا نموتك هو اللي قال كده. هو اللي قال كده هتسكت ولا نقتلك ونريح دماغنا منك؟ يا الله! ايوه يا حبيبي امال

ايه؟ كده بمنتهى العصبية دي - [00:33:41](#)

والانتصار للصنم؟ ايوه. عباد الصنم دول عندهم استعداد يقتلوا؟ ايوه. عنده استعداد يقتل. اللي بيمنعه واللي بيحول بينه وبين اقتله.

يا الله! للدرجة دي! ايوه سورة الاعراف بيقول لسيدنا موسى ايه لما بقى مسكه كده؟ قال ابن امة - [00:33:55](#)

ما تبهدلنيش ولا ابن امة ان القوم استضعفوني وكادوا يقتلونني. فلا تشمت بي الاعداء ما تخليهم مش يفرحوا يقول شف شف عمل

الاعمال اهي دي بركة العجل اهي دي سر العجل عمال يبهدلوا اهو بيضربوا اهو. ما هو ده اللي هيتقال - [00:34:16](#)

قال لي هيتقال طبعاً. شف عمال يعمل فيه ايه؟ ولا تشمت بي الاعداء قام رافع ايده على طول ان القوم استضعفوني وكادوا يقتلونني

فلا تشمت بي الاعداء. انا ما انا ما - [00:34:38](#)

طرطش يا ابن امي انا ما قصرتش. انا عملت اللي علي بسيت. وبعدين في سورة طه خشيت ان تقول فرقت بين بني اسرائيل ولم
ترقب قولي الله كان سيدنا هارون كان ممكن بس خاف خاف ليه؟ قال انا هيحي يقول لي انا سايبهم لك لما - [00:34:54](#)
المميت جيت لقيتهم فريقين. ايه بقى كان يعمل ايه؟ كان سيدنا هارون الجماعة اللي ما عبدوش العجل لهم انتم عاجبكم كده؟ لأ
مش عاجبني. طب نعمل ايه؟ يلا نضربهم - [00:35:14](#)

تقوم عامل جيش باللي ما عبدوش العجل وتجيبيو السيوف والسنج والمطاوي والخناجر وينزلوا بيت ضرب في مين؟ فالعبدوا
العجل طبعا ما تعرفش الكفة هتميل الناحية انهين مين اللي هيغلب مين المغلوب ها القتلى هنا قد ايه وهنا قد ايه معجنة بقى
فهيرجع سيدنا موسى يلاقي بقى - [00:35:24](#)
تلاقي ناس ميتة ويلاقي ناس متعورة ويلاقي ناس ويلاقي سايبهم لك يا هارون كده اجي الاقيهم عامل فيهم كده فقام ايه اللي خلاه
ما يعملش خاف من الحتة دي لان هو مش صاحب قرار. لان لو اعلن الحرب باللي ما عبدوش على اللي عبدوه مش عارف
العواقب. هتقول لي هتفرق - [00:35:46](#)

هقول لك هتفرق القرآن اللي هيقول لك فرقت ايه لما جه موسى؟ فرقت كتير قوي لان ده شخصية وده الشخصية ودي رتبة وجه
رتبة هارون عند الموعظة. سيدنا موسى ما ناموش ولا اي حاجة عرف ان هو ما قصرش في النصيحة رفع ايده عنه وخلص -
[00:36:07](#)

وطلب من الله ان يغفر له ولاخيه. رب اغفر لي ولاخي فهنا لما حصل بقى جه سيدنا هارون قال اللي قال ولم يسلم ايه؟ ولم يسلم
منهم فرجع موسى الى قومه غضبان اسفا. غضبان - [00:36:27](#)
وللاسف شدة الحزن والغضب. طبعا سيدنا موسى عارف هو هناك في المكان المقدس عارف ان فيه مصيبة بس اكمل مصيبة قد ايه
مش متخيلا لما شافها وعلشان كده صح الخبر عن النبي صلى الله عليه وسلم ليس المخبر - [00:36:47](#)
كالمعين اللي شاف بعينه فعلا مش زي اللي ايه؟ اخبر في اذنه. اقول ما سمعتم واستغفر الله لي ولكم. الحمد لله والصلاة السلام على
سيدنا رسول الله فرجع موسى الى قومه غضبان اسفا قال يا قوم الم يعدكم ربكم وعدا حسنا - [00:37:07](#)
افطال عليكم العهد ام اردتم ان يحل عليكم غضب من ربكم فاخلقتم موعدي قالوا ما اخلقنا موعدا بملكننا ولكن حملنا اوزارا. اهي دي
الاوزار يعني ايه؟ يعني ذهب مش بتاعنا. اموال مش بتاعتنا. اوزارا من زينة القوم - [00:37:30](#)
يعني الفراعنة فقذفناها فكذلك القى السامري. القى ايه السامري بقى؟ يعني عمل لنا الايه؟ الهجر ده. في كتب التفسير يقول ان
السامري شاف فرس سيدنا جبريل اللي انا كنت قلت لكم في يوم الفرق - [00:37:56](#)

ان سيدنا جبريل جه يركب فرس وجه الفرس جنب ايه فرس انثى جه جنب اه حصان فرعون وحمم عليها الحصان واشتاق لها
فقام جبريل عليه السلام نازل عشان الحصان بتاع ايه؟ بتاع الملعون ينزل وراه - [00:38:19](#)
هو لا قادر يمسك اللجام ولا قادر يعمل حاجة هو خد نزل غصب عنه كده ورا الايه؟ يعني كما تقول الكتب. ان صح الخبر فلا بأس وان
لم يصح برضه لا يقدم ولا اخر في القضية - [00:38:40](#)

نزل وكابر واضطروا ايه؟ ينزلوا وراه. فبيقولوا بقى ان السامري هذا الملعون لمح الفرس بتاع جبريل مكان رجل الفرس قام رايح
جاب ايه شوية تراب. ايه يعني شوية تراب دول؟ عشان اقول لك يعني كلام مش - [00:38:54](#)
اولا بنو اسرائيل ستميت الف اشمعنا السامري اللي شكله كده ملعون راخر زي الفراعنة اللي هيشوف الفرس من ونص ستمية الف
اشمعنى يعني كلام مستبعد طيب حتى لو شاف الفرس ايه الفرس يعني؟ فرس. فرس لمهمة هو جبريل جاي به من السما او يعني
الفرس ده كان قاعد في السما فرس فرس - [00:39:14](#)

يعني بييجري وله صوت وكده زي الخيول بتاع الدنيا بس اللي راكبه جبريل له مهمة معينة وبعد كده خلاص. جبريل اصلا بيطير له
اجنحة بيطير اصلا له اجنحة مش محتاج يركب فرس ويركب بتاع لكن المهمة تستدعي كده. تستدعي ان هو مش ييجي طابر انما
استدعي ان يركب ويتجسد في صورة انسان. كده يعني. المهم كده - [00:39:41](#)

انما هو اصلا ملك ما له اجنحة وهو مش محتاج يركب فرس ولا غيره لكن بيقولوا ان هو شاف الفرس فخد شوية تراب من حفر الفرس والقاها على مين؟ على العجل فالعجل نقره وبقي له خوار. طبعا كلام - [00:40:05](#)

انا لا اؤمن به. وما علوش اصلا نص من رسول الله او قيل اني وهو بيعمل العجل طلب من سيدنا هارون فايت عليه بيقول له انت بتعمل ايه يا سامري؟ قال له بعمل بعمل ما يضر ولا ينفع - [00:40:22](#)

فطلب منه انه يدعي له ان لو حط حاجة او طلب من حاجة تحيا فتحيا فسيدنا هارون جاي يرضيه له كده برضه ان دعا له وهو ما يعرفش نيته. برضه انا استبعد هذا الكلام. انا باقول لكم فيه عشان ما تقولوش اصل ايه - [00:40:42](#)

الشيخ في الخطبة قال كذا وفي كتاب التفسير الفلاني. اه يا سيدي ماشي كتاب التفسير ده على عيني وعلى راسي. وكتب معتبرة ومحترمة لكن ما في انسان خلا من الاخذ والرد الا رسول الله - [00:41:03](#)

الشاهد الدرس اللي عاوز اقوله لكم في الجزئية دي ان لابد من التحقيق مع المجرم مهما كانت الجريمة. لابد من التحقيق وان يسأل المجرم ونعرف دوافع الجريمة وليه عمل كده - [00:41:18](#)

وايه المبررات لكده؟ اما الحكم عليه بدون تحقيق وتحقيق دقيق وامين. هذا لا يجوز في ميزان شرع رب العالمين اما بقي في اي حاجة تانية اما في ميزان الشرع لأ. فانت تاخذ دي. زوجتك ابوك امك اختك اي مشكلة عندك تتحقق - [00:41:40](#)

وتسأل وايه الدوافع؟ ما تلويش رقبته وتاخذ قرارات عشان امك اللي بتقول وامك بتعيط لا لا لا ممنوع الكلام ده ممنوع يا اخواننا لابد من السؤال اه دخلت لقيت امك بتعيط والجامعة ايه خلاص تنزل ضربه في مراتك وتعمل هذا جهل وحماقة. مهما كانت الجريمة لابد من التحقيق والسؤال - [00:42:00](#)

امن ما هو في جريمة اكثر من الكفر بالله؟ في جريمة اكثر من الشرك ما فيش. ومع ذلك سيدنا موسى بيقول قال فما خطبك يا خلاص عرف ان سيدنا موسى مش غلطان عمل اللي عليه. قال فما خطبك يا سامري؟ ايه اللي انت عملته ده - [00:42:22](#)

ايه المبررات؟ ايه الدوافع؟ قال اهو بقي بداية الكذب اهو بقي. ده بداية الكذب. انا عندي انا. يعني ان وجدت في التفاسير غير انا هو عندي انا كذب. قال بصرت ودي كذب. بما لم يبصروا به كذب. فقبضت قبض - [00:42:41](#)

من اثر الرسول اي جبريل كذب فضل من اسر الرسول كل ده كله كذب. بصرت بما لم يبصروا به. فقبضت قبضة من اثر الرسول فنبذتها يعني القيتها على العلم وكذلك سولت لي نفسي - [00:43:01](#)

ايه اللي يخيني اقول من الكذب؟ اه كذا. عادي وايه هو اول واحد يكذب القرآن حكى كذب ناس كتير جدا. حكى كذب فرعون وحكى كذب ابليس. ابليس لما قال انا خير منه. ده كذب ولا صدق - [00:43:22](#)

كده انت خير منه في ايه خيرا من ادم في ايه يعني؟ انا خير منه. خلقتني من نار وخلقته من طين. هو ده الميزان اللي عندك؟ لا يا حبيبي. لما تيجي توزن الطين - [00:43:39](#)

النار هتلاقي اثنين احسن من من مرة ميت مرة مئات المرات الطين يفضل الماء قال يفضل النار فانت مش ده كذاب وحكى كذب النمرور مش النمرور قال انا احبي واميت كذاب. والقرآن حاكي كذا بالنمرور. وحاكي كذب - [00:43:52](#)

الوليد مش الوليد قاعد يعصر في دماغه ويتك على نفسه ويفكر ويغمض عينيه وبعدين قال ايه بقي ان هذا الا ايه؟ الا سحر يؤثر كل ده يا وليد القرآن سحر يؤسر - [00:44:11](#)

وهو عارف انه مش كذب والقرآن حكى الكذب بعديها قال ساصليه سقر فالقرآن بيحكي كذب السامري. ان لقي شاف في الفرس وخذ مش عارف ايه وعمل ايه لا لا لا هو خلاص نرجع لكلام سيدنا عبدالله ابن عباس - [00:44:30](#)

العجل ده حته ذهب مش مشكلة في صورة عجل فيها لها فتحة من ورا والهوا يخش يدور في بطنه يطلع من بوقه تسمع صوت ايه بس ادي لكل الموضوع. ولا اتحرك ولا راح شمال ولا راح يمين. فهذا كذا. الدرس اللي احنا بقى ناخده في حياتنا - [00:44:47](#)

تحقيق مع المجرم اوعى اكون انا قصدي ان انا اقول لك انك يعني لازم تكون آا زابط بتاع مباحس لا انت صاحب البيت اهو تحقق. وضربت لك المسال امك اختك مراتك - [00:45:07](#)

انت اسأل الاول وليه ده والدوافع ايه؟ ما تاخذش قرارات كده من نفسك وخلص. لأ امي امي ما تكذبش. اه امك ما بتكذبش. امك يا سيدي ام المؤمنين. بس ايه الدوافع اللي وصلتنا لكده؟ اه ما كزبتش بس في حاجة غلط - [00:45:21](#)

فلازم التحقيق الدرس التالي بعد ذلك ازالة المنكر اعظم وظائف ولاة الامر على جميع مستوياتهم بقى انت ولي امر في بيتك وفلان ولي امر في دولته وفلان ولي امر في محافظته وفلان ولي امر في مدينته وهكذا كل واحد في مكان - [00:45:38](#)

وزيفة دول بقى كلهم ازالة المنكر مش انكار المنكر فرق كبير قوي بين ان انا ازيل المنكر وانكر المنكر. انكر المنكر في خطبة زي دي في درس في كتاب يا جماعة الشرك بالله معصية. ادي الحكاية والرواية والدرس والخطبة ماشي. قل انكر المنكر - [00:46:04](#)

انما الازالة دي اعزم وزائف ولاة الامر. اهو ده بقى اللي حصل مع موسى عليه الصلاة والسلام ازالة المنكر. خلي بالك موسى ما قعدش بقى يوعظ ولا يقول درس ولا احاديث. سيدنا هارون قال ولقد قال لهم ها قال هارون من - [00:46:28](#)

قل يا قومي انما فتنتم به وان ربكم الرحمن فاتبعوني واطيعوا امري. فين خطبة موسى؟ ما فيش خطبة. موسى يخطب بقى. ما فيش خطب ده ولي الامر اكبر راس بقى. ده يعمل ايه؟ مش يخطب ده يزيل. ده بتاع الازالة. اعزم فرق بين - [00:46:46](#)

ازيلي المنكر وانكر المنكر دور الدعاة والمصلحين والكتاب والواعظين ينكروا ينكروا طب ينكر انكروا للصبح. طالما الصنم موجود الشرك موجود موجود. ايه فايده الخطب؟ شد الرحال للمساجد. دعاء الاولياء الصالحين شرك بالله. مش قولوا قولوا لما تشبعوا - [00:47:06](#)

البتاع لسه موجود طالما الحاجة لسه موجودة اوعي زي ما انت عاوز اوعي طالما الصنم موجود او الحاجة موجود اوعش مش هو موجود؟ اه وبنعمل له مولد؟ ايوا. خلاص قل - [00:47:30](#)

طيب فايدتها ايه فايدتها ايه المواعظ؟ ما بتعملش حاجة. ما غيرتش حاجة. كل السادة المولود بيتعملوا اربعة مليون يحضروا مولد سيدهم البدوي. اربعة مليون. ده اقل تفيض المواعظ راحت فين؟ اهي راحت في الهوا - [00:47:49](#)

التخويف والحلال والحرام راح فين؟ في الهواء. ما هو لان العملية موجودة. انما يتشال خلاص مش محتاجين مواعظ بقى. ونتكلم في حاجة تانية خلاص ما جيت خلاص هو ده يا اخويا. ازالة المنكر. شيه وانكار المنكر شيه تاني خالص - [00:48:04](#)

هو ده اللي عمله سيدنا موسى عشان بس ناخذ نعيد النظر في قراءة القرآن ويفهم قرآننا فيه ايه اصلا. مش حوادث او قصص بنقراها وخلص ايه اللي عمله بقى سيدنا موسى؟ قال فما خطبك يا سمري؟ قال له بشوية الكذب اللي قاله عليهم دول. قال فانظر الى الهك - [00:48:22](#)

الذي ظلت عليه عاكفة. خلي دي دلوقتي شوية لما قال له بقى بصيرت بما لم يبصر به فقبضت قبضة من اثر الرسول فنبذتها وكذلك سولت لنفسي. اول حاجة حكم عليها - [00:48:42](#)

خلص كده سيدنا موسى اتحقق. جاء دور الحكم. طب مال هارون ما حكمش ليه ما يملكش اصل الحكم ده محروم ممكن يحكم عليه واياه؟ يسجنه مسلا. يحبسه في حطة كده يعمل له خيمة ويحدد اقامته ما يتحركش. مسلا يعني انما اكثر اكثر من كده ما يعرفش - [00:48:57](#)

اما بقى سيدنا موسى يحكم بقى يجيب الحكم بقى يجيب الاخر وطبعا سيدنا موسى مش هيجيب من دماغه ده وحي برضو قال فازهب ودي اقصى العقوبات اقصى العقوبات التي قرأتها هذه العقوبة - [00:49:15](#)

فاذهب فان لك في الحياة. ان تقول لا مساس وان لك موعدا لن ده مين انت ايها المجرم عقوبتك كده في شرع الله اذهب فان لك في الحياة ان تقول لا مساس يا لطيف يا رب. يا لطيف - [00:49:33](#)

اقصى عقوبة؟ ايوة. طب ما عدموش ليه؟ زي ما فرعون عدم السحرة. لا لا لا ده الاعدام كان رحمة الاعدام كالرحمة اولاهذا الرجل عايش مع مجموعة. المجموعة دي على راسها نبيان رسولان. مجموعة بتاكل ببلاش من - [00:49:57](#)

تشرب ببلاش ساكنة ببلاش عيشة احلى عيشة. عيشة معهم رسولان مجموعة بيحكمها رسول طولان بركة ليل الارض مفروشة تحتهم بالخير سيب المجموعة دي ازاي بقى؟ هي دي العقوبة. اذهب امشي من هنا - [00:50:16](#)

يلا طب وامشي مسلا يقعد بعيد لما يعوز ياكل مسلا يجي ياكل ويرجع تاني. لا اذهب فان لك ان تقول لا مساس فان لك في الحياة ان تقول لا مساس - [00:50:38](#)

اذهب امشي خالص يبقى عزلوا من المجموعة دي خالص واحد بيتنزع من امة بتخلع واحد من امة هيعيش ازاي ده وبعدين يعيش طب ممكن مسلا يعيش ساعات بنشوف افلام كده - [00:50:55](#)

يعني اغلبها هجص. قال المركب او السفينة غرقت وبعدين واحد نجا فعاش لجأ لجزيرة وعاش في الجزيرة وبتاع. طب ما كان ممكن السامر لا لا لا ما كانش يعرف الحكم غير كده قال له فازهب فان لك في الحياة ان تقول لا مساس - [00:51:14](#)

يبقى الاول خلعوا من بني اسرائيل وامش. طب اروح فين؟ امشي. مشي طب امشي وخلص اروح اعمل يعني مجتمع جديد اروح لناس تانية لا لا لا وخلي بالك لا لأ يعني هو ايه يعني وسيدنا موسى ممشي وراه مخبرين او لا لا خلاص هو مشي - [00:51:29](#)

مشي وحكم رب العالمين ملازمه ما يقدرش يلعب فيه. ما يقدرش يلعب في الحكم. مطرح ما يروح هو منفذ للحكم. ما فيش حراسة عليه ان تقول اللام مساس يعني اي حد يقرب منه يقول له لا لا ابعد ما تنسنيش - [00:51:48](#)

طب تعالى انت لأ انا ما بمستش حد يعوز بالله تبقى عيشة ازاي دي اللي يقرب مني يقول له لأ اوعى تقرب مني اوعى تمسني. يا عم ده انا اجيب لك اكل. انت صعبان علي انا اجيب لك اكل خد لأ - [00:52:11](#)

لا اله الا الله طب وتبقى عيشة ازاي بقى؟ الله! طب ومين اللي حارسه؟ ما حدش دي مصيبة حلت فيه ده بلاء نزل عليه. هو كده يبص للناس يخاف من الناس. يستوحش من الناس. شف ناس قل له ما تمسنيش. يا عم والله العظيم انا جايب لك - [00:52:24](#)

مش هعمل فيك حاجة والله ما هضرك لا ما انا مش عاوز. مش عاوز اكل؟ اه مش عاوز. ما تمسنيش. طب قل له طب تعال انت مسني. تعال خد اللي في ايدي. لأ - [00:52:42](#)

لمستك ولا تمسني يا لطيف يا رب لا مسك ولا تمسني للدرجة دي؟ ابوة هو كده اه يستوحش يخاف وسوسة خوف توجس من اي حد. يريد به الخير يريد به الشر لحد بقى - [00:52:52](#)

ما يموت ان شاء الله العقوبة دي حلوة له اوي ، وقراها لكل من يهد اللي الانبياء بنوه. سيدنا النبي بنى صرحا اللي ويهد الصرح ده ان شاء الله ربنا هيدي له عقوبة اشد من عقوبة السامرين - [00:53:12](#)

هيتحبس جوة نفسه السمري كده انحبس جوة نفسه الواحد لو دخل السجن سجن مره عافانا الله واياكم والحبس الانفرادي امر يعني الواحد لما يكون في زنزانة فيها ثلاثين اربعين واحد بتبقى يعني عملية حلوة بتتكلم مع بعض كلمة نقوم نصلي مع بعض نقرا قرآن مع بعض بتلطف العملية شوية - [00:53:34](#)

انما لما كل واحد لوحده ما حدش بيتكلم معه اه زكر ربنا تعب من الزكر قرا القرآن تعب من القراءة برضو ما فيش حد ايه؟ النفس بتمل. فالحبس الانفرادي يمر. ده كل ده في السجن - [00:53:58](#)

اديني عقلك بقى الحبس جوة النفس. الناس حواليا وانا في الحرية وبرة ومحبوس. جوة ونفسي جوة ضلوعي دي احسن عقوبة لمثل هؤلاء زي كده. ليه؟ لان بيهد اللي بيبنيه النبي. سيدنا موسى بيبنيه وهو بيهد وراه. سيدنا موسى بيعمل امة وهو بيهدها له اول باولها

- [00:54:13](#)

اربعين يوم يياقي واحد مدمر له الناس كده بالشكل ده فين الدين؟ راح الدين لحاله؟ لسه بقى سيدنا موسى يعيد الكرة تاني ويوقف الناس على رجليها. ويخلي الناس ترجع لربها. اللي نسيوه - [00:54:41](#)

يا عيني يوم اومال لو اربعين سنة لو اربعين قرن ها نسيوا ربنا سبحانه وتعالى هذا الحكم واله موسى فاربعين يوم عشان غاب عنهم اربعين يوم فدي فعلا احسن عقوبة اوعى تفكر تهد الشيء. رسولك بناه - [00:54:55](#)

سنة بسيطة سنة عزيمة حاجة قولية حاجة فعلية حاجة الرسول عمل اوعى تهدها مش قادر تنفزاها ما تقفش ضدها قفش ضدها اوعى تعاقب عقوبة الله اعلم بك ادي السمير قدامك اهو - [00:55:16](#)

اتحبس جوة ضلوعه. خاف من الناس ولا مساس وان لك موعدا لم اخر حاجة بقى وانظر الى الهك الذي ظلت عليه عاكفا خلي بالك

دي كلها قرارات مش مواعظ ما بيوعظش اخوه وعظ انما هو مش بتاع موعظة. لان ده الامام بقى. الامام مش بتاع موعظة. الامام
ينفذ يزيل. وانزى الى الهك الذي ظل - [00:55:33](#)

عليه عاكفا لنحرقنه ولننسفنه في اليم نسف عشان ما يبقاش فيه اي حطة كده عشان تشوف بعينك ان ما نفعلش ولا نفع الا وارمي
مسكه كسره وولع فيه وكسره قام راميه في البحر الاحمر. خلاص - [00:56:00](#)

خلاص انما بعديها على طول انما الهكم الله الذي لا اله الا هو وسع كل شيء لذلك سيدنا النبي احنا قلنا دور الامام ازالة المنكر مش ينكر
ويوعز لا الموعزة دي لناس تانية. انما هو يزيد ينصف. سيدنا النبي كما قال عبدالله بن مسعود - [00:56:18](#)

لما دخل مكة عند البخاري الحديث وجد عند الكعبة ستون ستين وجد عند الكعبة ستين وثلاثمائة نصب تلمية وستين صنم
موجودين حوالين الكعبة وجواها وشمال ويمين فجعل يطعنهما يعود في يدها. عود - [00:56:38](#)

يطعمها ويوقعها كده ويقول جاء الحق وزهق الباطل ان الباطل كان زهوقا. جاء الحق وما يبدئ الباطل وما يعيد. وامر صلى الله عليه
وسلم هو بنفسه اهو بقى هو بنفسه. صلى الله عليه وسلم بنفسه يزيل المنكر بنفسه - [00:57:01](#)

امر برضه كل ولادة الامر من بعده يعملوا كده برضه سيدنا علي يقول عند مسلم في حديث ابي الهياج الاسدي يقول بعثني علي رضي
الله عنه فقال الا ابعثك على ما بعسني عليه رسول - [00:57:18](#)

صلى الله عليه وسلم الا تدع تمثالا الا طمسته. ولقبرا مشرفا يعني مرتفع عن الارض الا سوى بيته يا الله يبقى ما فيش بقى صالحين
ما علمش الاقبور بتاعتهم ما علهاش بقى مقصورة وفيل المقصورة قبة وفوق القبة هلال والهلال والقمر واللي واللي - [00:57:34](#)

ازهبوا الى البقيع يا اخوان كلكم تقريبا عملتم عمرة ولا حج ولا ربنا يرزقنا واياكم ها؟ بروحوا بصوا على البقيع او بصوا على مدفن
مكة اهل مكة شو تبصوا ببقيع كده - [00:57:58](#)

السيدة فاطمة هناك مدفونة هناك والسيدة عائشة مدفونة هناك طب شوفي السيدة فاطمة ان عرفت تطلع قبرها من هناك من وسط
البقيع او قبر السيدة عائشة. امهات المؤمنين كلهم مدفونين في البقيع - [00:58:09](#)

اغلب الصحابة في البقيع شفتوا قبر سيد الشهداء سيدنا حمزة واللي معه شهداء احد حطة كده وبوابة حديد بس عشان يعني ما
حدش ينتهك حرمة المكان. طب بص ما فيش حاجة. حصو حجارة - [00:58:24](#)

ولا قبة طيب ايش اسد الله هنا هو؟ اسد الله اسد الله سيدنا حمزة كان حصل سيول والقبر تقريبا كان هينكشف او انكشف منه شيء
فحبوا يعني يتحركوه ينقلوه يعني مما يركز من كرامات سيد الشهداء - [00:58:41](#)

وجدوا جسمه مسل يوم ما دفنوه وقال بعض اهل العلم لما جم يحركوه سال الدم من الجرح هو طبعا ولا مولد ولا حد بيطوف ولا
حاجة بس تزور بس تزوروا زيارة اموات سلم عليه وخلاص. سيدنا حمزة سيدنا حمزة - [00:59:04](#)

سيدنا علي مدفون فين؟ سيدنا علي فين ضريح سيدنا علي والقبة بتاع سيدنا علي ومولد سيدنا علي طب ما هو سيدنا علي افضل
من الحسن والحسين امهم فاطمة افضل من الحسن والحسين - [00:59:26](#)

جدتهم خديجة افضل من الحسن والحسين. جدتهم خديجة ازالة المنكر من اعظم المهام. وفي فرق بين الازالة والانكار. الازالة دي
شغلة الامام بيوفر كتير اوي ويصحح كتير قوي من المفاهيم. اما المواعظ لابد ان نقول ولا بد ان نبين. بس ما بتحلش - [00:59:39](#)

طالما المنكر نفسه ايه؟ باقي وهو ده اللي عمله سيدنا موسى. الله نسأل ان يردنا الى دينه ردا جميلا. اللهم ردا الى دينك ردا جميلا.
اللهم انك عفو تحب العفو - [01:00:02](#)

فاعفوا عنا. اللهم انك عفو تحب العفو فاعف عنا. اللهم من ارادنا وديننا وبلادنا بخير فوفقه لكل خير. ومن ارادنا وديننا وبلادنا بسوء
فاجعل كيده في نحره. واجعل تدبيره تدميره. اللهم ارحم موتانا واشف مرضانا امين - [01:00:12](#)

ان امين وصل اللهم وسلم وبارك على نبينا محمد. اذكروا الله يذكركم واشكروه على نعمه يزدكم واقموا الصلاة - [01:00:32](#)